

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10) i člana 46. Zakona o izvršavanju Budžeta Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12), Vlada Zeničko-dobojskog kantona na 130. sjednici, održanoj 25.10.2013. godine, d o n o s i

Z A K L J U Č A K

o donošenju Programa utroška sredstava u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, pozicija „Realizacija projekata Vlade koji se finansiraju iz prihoda od koncesija“

I.

Donosi se Program utroška sredstava u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Realizacija projekata Vlade koji se finansiraju iz prihoda od koncesija“, Budžeta Zeničko-dobojskog kantona za 2013. godinu, u iznosu od 75.000,00 KM (slovima: sedamdesetpethiljada konvertibilnih maraka), pod nazivom „Program utroška sredstava od koncesija“ za 2013. godinu“, koji čini sastavni dio ovog zaključka.

II.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/13
Datum, 25.10.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA OD KONCESIJA
ZA 2013. GODINU**

ZENICA, OKTOBAR 2013. GODINE

Izrada Programa utroška sredstava od koncesija za 2013. godinu predviđena je članom 46. Zakona o izvršavanju Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12), kojim je utvrđeno da će se prihodi ostvareni po osnovu naknada za koncesije koristiti prema Programu utroška koji donosi Vlada Kantona, a u članu 49. stav 1. je utvrđeno da nadležno ministarstvo predlaže Vladi Kantona program utroška sredstava iz člana 46. istog zakona.

NAZIV PROGRAMA

PROGRAM UTROŠKA SREDSTAVA OD KONCESIJA ZA 2013. GODINU

SVRHA PROGRAMA

Program utroška sredstava od koncesija za 2013. godinu, pored odredbe člana 49. stav 1. , a u vezi sa članom 46. navedenog zakona, ima uporište i u Odluci o načinu raspodjele i korištenju finansijskih sredstava prikupljenih po osnovu kontinuirane jednokratne naknade od koncesija broj: 02-14-2098/13 od 24.01.2013. godine. („Službene novine Zeničko-dobojskog kantona“, broj: 1/13).

Ovim programom utvrđeno je da će planirani iznos sredstava u iznosu od 75.000,00 KM, biti utrošen na inoviranje i reviziju Studije hidroenergetskog iskorištenja sliva rijeke Gostović, od aprila 2002. godine i izrada koncesionog elaborata za dodjelu koncesija za izgradnju malih hidroelektrana u slivu rijeke Gostović, prema inoviranom rješenju.

VISINA SREDSTAVA I IZVORI FINANSIRANJA

Budžetom Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12) u razdjelu 23, budžetska organizacija 01, potrošačka jedinica 0001, ekonomski kod 614100, Pozicija „Realizacija projekata Vlade koji se finansiraju iz prihoda od koncesija“, predviđena su sredstva u iznosu od 75.000,00 KM (slovima: sedamdesetpethiljada konvertibilnih maraka).

KRITERIJI ZA UTROŠAK SREDSTAVA I NAČIN UTROŠKA

Kriterij za utrošak predviđenih sredstava u iznosu od 75.000,00 KM je inoviranje i revizija Studije hidroenergetskog iskorištavanja sliva rijeke Gostović i izrada koncesionog elaborata za dodjelu koncesija za izgradnju malih hidroelektrana u slivu rijeke Gostović, prema inoviranom rješenju.

Ministarstvo za poljoprivredu, šumarstvo i vodoprivredu je u okviru Informacije o koncesijama na vodama za 2012. godinu izvršilo analizu stanja u oblasti vodnih resursa sa aspekta korištenja voda putem koncesija. Skupština Zeničko-dobojskog kantona je na 42. sjednici donijela zaključak broj: 01-25-16608/13 od 31.07.2013. godine, kojim prihvata navedenu informaciju i zadužuje Vladu Zeničko-dobojskog kantona da uzme u obzir primjedbe i prijedloge koje su poslanici istakli u raspravi povodom ove Informacije, a u cilju unaprjeđenja u ovoj oblasti. Takođe je dostavljen i izvod iz transkripta 42. sjednice Skupštine u kojem je sadržana rasprava.

U raspravi je istaknuto da treba izraditi katastar prirodnih dobara po općinama za koja bi trebalo utvrditi javni interes za dodjelu putem koncesija, u skladu sa planskim aktima i lokalnih zajednica i Kantona, te da se uradi katastar vodnih tokova u smislu iskorištenja hidropotencijala voda iz nadležnosti Kantona.

Izrada katastra izvorišta za područje Federacije BiH je u toku i isti će biti sastavni dio Informacionog sistema voda u Agenciji za vodno područje rijeke Save.

S obzirom da je u Informaciji o koncesijama na vodama konstatovano kontinuirano povećanje interesa za korištenje vode kao obnovljivog izvora energije za izgradnju malih hidroelektrana iz nadležnosti Kantona, te da to je ocijenjeno da se sa ciljem unaprjeđenja u oblasti koncesija kroz ovaj program uradi slijedeće:

R. br.	Naziv	Planirani iznos (KM)
1.	Inoviranje i revizija Studije hidroenergetskog iskorištenja sliva rijeke Gostović, od aprila 2002. godine i izrada koncesionog elaborata za dodjelu koncesija za izgradnju malih hidroelektrana u slivu rijeke Gostović, prema inoviranom rješenju	75.000,00
UKUPNO:		75.000,00

Ministarstvo za poljoprivredu, šumarstvo i vodoprivredu je zajedno sa JP „Elektroprivreda BiH“ sufinansiralo izradu Studije hidroenergetskog iskorištenja sliva rijeke Gostović, koja je urađena 2002. godine od strane „ENERGOINVEST-ENERGOINŽENJERING HIGRA“ d.o.o. Sarajevo, prema kojoj je u slivu rijeke Gostović sa pritokama predviđena mogućnost izgradnje 34 male hidroelektrane, koje su sadržane i u Prostornom planu Zeničko-dobojskog kantona za period 2009-2029. godina. Kako su se od tada do danas izmijenile mnoge okolnosti koje su utjecale na rješenje ponuđeno u Studiji, a kako je u porastu interes za izgradnjom predmetnih objekata, a sa druge strane otpor lokalne zajednice zbog planiranog broja objekata, procijenjeno je da postoji opravdanost da se predmetna Studija inovira. Svi parametri od značaja za inoviranje Studije biće definisani u projektnom zadatku, uz učešće lokalne zajednice i drugih relevantnih organa i institucija kod utvrđivanja konturnih uslova (prostorne, hidrološke, socijalne, ekološke, i dr.). Nakon definisanja projektnog zadatka, Ministarstvo za poljoprivredu, šumarstvo i vodoprivredu će provesti postupak javne nabavke za inoviranje Studije, zaključiti ugovor, te finansirati reviziju. Nakon izvršene revizije Studije, slijedi izrada koncesionog elaborata, čime se stvaraju preduslovi za provođenje tenderskih postupaka za izgradnju malih hidroelektrana u slivu rijeke Gostović, u skladu sa Zakonom o koncesijama, prevashodno utvrđivanje javnog interesa. Paralelno sa ovom aktivnošću, pokrenuti će se postupak izmjene i dopune Prostornog plana Zeničko-dobojskog kantona.

Broj: 02-_____ /13.

Datum, __. __. 2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu

1x Ministarstvo finansija,

1x a/a.

